



МОНГОЛ УЛС
ГОВЬ-АЛТАЙ АЙМГИЙН ЗАСАГ ДАРГЫН
ЗАХИРАМЖ

2021 оны 02 сарын 09 өдөр

Дугаар А/54

Алтай хот

Гамшгаас хамгаалах өндөржүүлсэн
бэлэн байдлын үед зохион байгуулалтын
арга хэмжээ авах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшгаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2021 оны 02 дугаар тогтоол, Улсын онцгой комиссын даргын 2020 оны 155 дугаар тушаал, 2021 оны 01 дүгээр албан даалгавар, аймгийн Онцгой комиссын 2021 оны 09 дүгээр хурлын шийдвэрийг тус тус үндэслэн ЗАХИРАМЖЛАХ нь:

1. Монгол Улсын Шадар сайдын 2020 оны 155 дугаар тушаалыг баримтлан Улаанбаатар хот болон голомтот аймгаас ирсэн иргэдийг гэр бүлийн гишүүдийн хамт 14 хоног гэрийн ажиглалтад тусгаарлах, хяналт тавих удирдлага зохион байгуулалтаар хангаж ажиллахыг аймгийн Тамгын газар (Ц.Батзориг), Есөнбулаг сумын Засаг дарга (Д.Чинзориг)-д, аймгийн шуурхай штабын бүрэлдэхүүнд тус тус даалгасугай.

2. Сар шинийн баярын үеэр аймгийн цахилгаан, дулаан, усан хангамж, хүнсний дэлгүүр, эм, эмнэлгийн хэрэгсэл, банк, санхүүгийн байгууллага онцгой объектуудын үйл ажиллагааг хэвийн горимоор ажиллуулж, 2021 оны 02 дугаар сарын 15-ны өдрөөс 02 дугаар сарын 21-ний өдөр хүртэл төрийн байгууллагууд нийт ажилчдынхаа 30 хүртэл хувийг ажиллуулахыг сумдын Засаг дарга, байгууллагын дарга нарт тус тус үүрэг болгосугай.

3. Ажлын байранд нийтийн золголт хийх, хоол, цайгаар дайлах, архи согтууруулах ундаа хэрэглэх, согтууруулах ундаа хэрэглэсэн хүн төрийн байгууллагад нэвтрүүлэхийг хориглосугай.

4. Өндөржүүлсэн бэлэн байдлын үед хариуцлагатай байж аймаг, сумаас гарах, орох хөдөлгөөнд хяналт тавьж, бүртгэлжүүлж, төрийн албаны хууль тогтоомж, ёс зүйн хэм хэмжээг чанд сахиж ажиллахыг сумдын Онцгой комиссын дарга, гишүүд, шуурхай штабт үүрэг гүйцэтгэж байгаа төрийн албан хаагчдад үүрэг болгосугай.

5. Аймгийн шуурхай штабын хэвийн үйл ажиллагаа, бэлтгэл, бэлэн байдлыг хангах, Улсын онцгой комисст цаг үеийн мэдээ мэдээллийг шуурхай хүргэх зорилгоор цахилгаан үүсгүүр худалдан авахад шаардагдах 8,900,000 (найман сая есөн зуун мянган) төгрөгийг аймгийн Гамшгийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.

6. Худалдан авах ажиллагааг хуулийн дагуу зохион байгуулж, гүйцэтгэлийн тайланг 2020 оны 04 дүгээр сарын 15-ны өдрийн дотор аймгийн Засаг даргын Тамгын газарт тайлагнахыг Онцгой байдлын газар (дэд хурандаа З.Баттулга)-т үүрэг болгосугай.

ЗАСАГ ДАРГА

О.АМГАЛАНБААТАР